

Acuerdo di Promocion di Lesamento

Cu e acuerdo di Promocion di Lesamento Fondo Literario ta stimula y sostene proyectonan riba tereno di promocion di lesamento, cu pa motibo di nan caracter innovativo of concepto innovativo ta forma un complemento riba e opcionnan existente. Organisacionnan por aplica pa subsidio pa varios actividad pa hoben y adulto: di club di lesamento te cu proyectonan digital, y di workshop di skirbimento creativo of performance te cu actividadnan dirigi riba intermediarionan. Of pa proyectonan cu ainda no ta existi, pero cu ta importante pa nan haya bida pa stimula lesamento.

Pa ken

Organisacionnan cu ta produci y ehecuta actividadnan pa promove lesamento of actividadnan literario educativo.

Pa kico

Proyectonan no comercial cu ta dirigi riba promocion di lesamento den Reino Hulandes.

Cuanto

E peticionario por pidi un minimo di € 25.000 y un maximo di € 50.000.

Limite di subsidio

€1.100.000

Pa ken?

- Solamente instancianan cultural, organisacionnan cultural y entidadnan legal cu ta activo den Reino y cu ta produci y/of ehecuta actividadnan pa promove lesamento of actividadnan literario educativo por aplica pa subsidio.
- Scolnan, universidadnan y instancianan di gobierno **no por** pidi subsidio segun e acuerdo aki.
- Organisacionan cu a ricibi subsidio di mas di un año di Fondo Literario, **no por** pidi subsidio dentro di e acuerdo aki pa 2025 y 2026.
- Un peticionario por pidi un maximo di un subsidio pa cada ronda di subsidio, pero e lo por ta involucra como colaborado den proyectonan di otronan.

Di dos peticion? Si bo a yega di ricibi subsidio segun e acuerdo di Promocion di Lesamento, percura pa finalisa bo proyecto anterior prome cu e desicionnan keda anuncia. Esaki ta mas o menos cuatro pa seis luna despues cu e deadline pa entrega peticion.

Bo actividad ta dirigi mas riba podium? Bay na e acuerdo [Projectsubsidies Literaire Programma's](#)

Pakico?

Ta lesa menos y habilidad di lesamento ta disminui. Esey ta un problema, pasobra lesamento ta amplia bo chens den sociedad, ta yuda bo den bo desaroyo y ta stimula pensamiento critico. Pesey e Fondo Literario ta sostene proyectonan cu ta promove lesamento cu tin como meta pa, na un manera duradero, den consulta cu e sector, aporta na promocion di lesamento. Nos ta buscando specialmente proyectonan cu ta forma un complemento riba e opcionnan existente, por ehempel pasobra nan ta uza un concepto innovativo, ta digitalmente innovativo, ta drenta colaboracionnan nobo, ta sirbi un region nobo of un grupo meta cu ta menos conocí.

E proyecto ta dura un di maximo 1 aña

Cuanto?

E suma di subsidio cu por pidi ta entre € 25.000 y € 50.000. Mester financia un minimo di 25% di e gastonan total di e proyecto di propio recursonan of di otro manera cu no ta di Fondo Literario.

Excepcionnan riba esaki:

- Pa organisacionnan estableci den Caribe, of pa organisacionnan estableci den e parti Europeo Hulandes pero cu ta haci peticion pa un proyecto cu ta tuma luga den Caribe cu un partner colaborado local, e porcentahe ta 10%.
- Si e petitioner ta un biblioteca, un POI (Institucion Provincial di Apoyo) of institucionnan di apoyo nacional pa bibliotecanan, mester financia un minimo di 50% di e gastonan di e proyecto di propio recurso of di otro manera. Pa bibliotecanan estableci den Caribe e porcentahe ta 10%.

Deadlines

Tin dos ronda di subsidio pa aña:

- 20 di februari 2026 (18:59 ora di Caribe, 23:59 ora Hulandes): pa proyectonan cu ta core entrante juli 2026
- 15 di juni 2026 (17:59 ora di Caribe, 23:59 ora di Hulanda): pa proyectonan cu ta core entrante december 2026

Con ta aplica?

Semper lesa prome cu atencion e acuerdo y e splicacion. Eyden ta menciona entre otro e rekisitonan pa por pidi subsidio, cua documentonan bo mester tin den bo peticion y con ta evalua bo peticion.

“Controla bon si tur e documentonan rekeri ta completo y ta cumpli cu e exigencianan. E documentonan obligatorio ta.”

- **E plan di proyecto**, segun e [Format projectplan](#).
- Un **presupuesto** conciso y detaya a base di e [Basisformat begroting](#) of un formato propio
- Un **splicacion di e presupuesto**. Akiden ta splica pa cada post di e presupuesto con esaki ta construi.
- Un extracto actualisa di Camara di Comercio.
- E **cuentanan anual aproba** mas recien. Cu excepcion pa organisacionnan cu duracion di existencia masha cortico y peticionarionan cu ta estableci den Caribe.
- Den caso cu ta aplicabel: un **declaracion di intencion(nan) of un acuerdo di cooperacion(nan)** firma pa ambos partido, unda ta describi e cooperacion detayadamente. Tuma nota: den caso di cooperacion cu scolnan esaki semper ta obligatorio.

Bo tin tur e documentonan necesario? E ora ta tempo pa entrega bo peticion.

E peticion mester ta skirbi na Hulandes of Ingles. Peticionarionan pa proyectonan cu ta relaciona cu Idioma di seña Hulandes por entrega un grabacion di video na luga di un plan di proyecto skirbi.

Ta procesa solamente peticionnan cu ta completo. No ta procesa peticionnan cu ainda no ta completo riba e deadline.

Bo tin duda riba cierto cosnan? Repasa e [de regeling](#).

Evaluacion

E conseheronan ta evalua e peticionnan riba e siguiente puntonan:

- Vision riba promocion di lesamento
- Balor agrega di e proyecto riba e opcionnan existente
- Calidad y sentido di realidad di e plan di proyecto
- Calidad y sentido di realidad di e presupuesto

Den e splicacion di e acuerdo ta elabora mas riba e [criterionan aki](#).

Webinar

Bo kier haya mas splicacion tocante e acuerdo? Of bo tin preguntanan specifico? Pa por yuda bo miho e fondo ta organisa un webinar tocante e acuerdo di promocion di lesamento.

Fecha: Diamars 13 di januari, 15:00-16:00 (orario di Hulanda), 10:00-11:00 (orario di region Caribe)

Manda un email no mas tarda cu dialuna 12 di januari pa: **communicatie@letterenfonds.nl** pa meld bo mes, y menciona eyden e pregunta cu bo kier pa wordo trata.

Preguntanan frecuente

Kico ta compronde bou di promocion di lesamento?

Proyectonan cu ta promove lesamento ta stimula lesamento di buki y ta aporta na amplia e abilidad di lesamento, e motivacion di lesamento y e placer di lesamento. Esaki ta encera:

- proyectonan cu ta fomenta lesamento di buki y texto rico den contenido;
- proyectonan cu ta dirigi riba lesamento den bos halto;
- proyectonan cu ta encurasha pa participa na retonan nobo di lesamento, por ehempel den forma di otro genero of topiconan;
- proyectonan cu ta encurasha pa haci reflexion literario of conocimiento literario;
- proyectonan cu ta dirigi riba literatura oral of performativo, manera bukinan di scucha, spoken word, NGT-performance of toneel;
- proyectonan cu ta trece e participantenan na un manera activo den contacto cu cierto tipo di generonan of forman literario, door di encurashanan pa nan mes skirbi of crea;

- proyectonan cu ta dirigi riba intermediarionan manera docente, mayornan y cuidadonan of biblio- y mediatecarianan, pa stimula nan conocimiento y entusiasmo relaciona cu lesamento y promocion di lesamento.

Proyectonan cu ta dirigi solamente of primordialmente riba lesamento tecnico no ta bin na remarke.

Cua ta bon ehempelnan di proyectonan di Promocion di lesamento?

Un par di proyectonan cu a keda realisa na 2024 danki na e acuerdo piloto pa Promocion di Lesamento ta Utrecht Doventheater, Festivalnan di Lesamento na Aruba, Sint Maarten y Corsou di Stichting Biblionef y Buur & Boek di Stichting NOORDWOORD. [Lees hier meer over deze best practices](#). E lista completo di otorgamentonan di 2024 por haya [hier](#).

Kico ta compronde bou di balor agrega?

Nos ta buscando proyectonan cu ta forma un complemento riba e oferta exisistente riba tereno di promocion di lesamento. Un complemento asina por ta den forma di:

- un concepto inovativo of un metodo/forma nobo, por ehempel den e esfera digital
- un colaboracion inovativo
- un grupo meta menos conoci
- un region menos conoci

Ki ora mi ta haya resultado di mi peticion?

Ta comparti e resultado cu e peticionarionan dentro di 22 siman despues di e deadline. E proyecto pa cua a pidi subsidio por start pa e motibo aki te na e momento ey.

Kico mester tin den e begroting?

E presupuesto entrega mester contene tur gasto y beneficienan di e proyecto. Mester splica di cada post di e presupuesto con a structura esakinan. Por haci esaki den un splicacion separa. Mester split e postnan grandi di e presupuesto y si ta posibel specifica cu ofertanan y facturanan. Tin un formato basico pa un presupuesto pa yuda bo pa cuminsa. No ta obligatorio pa uza e formato aki.

Ki ora mi mester entrega e responsabilisacion?

Un beneficiario di subsidio mester entrega un peticion pa determinacion via email dentro di tres luna despues cu a finalisa e proyecto. E peticion ta contene un responsabilisacion di contenido, si ta necesario ta añadi un declaracion di e gastonan y entradanan real.